

老人權益中心

電話：(852) 2411 0196 傳真(Fax)：(852) 2612 4222 電郵(e-mail)：greypower1997@yahoo.com.hk

立法會福利事務委員會〈檢討綜合社會保障援助計劃小組〉的立場書

爭取註冊中醫病紙實報實銷 65歲長者公營醫療半價咁

今日當我們在議會中，就「領取綜合社會保障援助的長者的醫療需要」進行討論，或許社會福利署官員就會洋洋得意手拿着一份「綜合社會保障援助受助人醫療費用豁免證明書」向與會人士表示，凡綜援受助人可在香港的公立醫院(包括急症室)或診所免費獲得醫療服務，所以綜援長者根本已獲得政府在醫療服務上充份的保障。當然，除了綜援長者外，香港還有數十萬非領取綜援長者，其醫療需要是完全缺乏支援及保障。

表面上好似全港數十萬名領取綜援長者只要有「醫療費用豁免證明書」，大可以安寢無憂，不須為醫療開支擔驚受怕，這並不是事實的全部。相信各團體隨手執拾社區的個案，就可以反映出社會上長者貧窮的實況，有綜援長者寧願唔吃慳番個錢，為的是睇中醫，醫好個病；另外，因公立醫院為了慳錢，要「藥物自購」，減少分發藥物，令至長者節衣縮食慳錢買藥。

〈個案一〉睇註冊中醫 一個仙都無得津貼

93歲馮容，1945年和平後隻身從大陸來到香港，憑「這雙手」賺錢養活自己，後生做過割草、泥工、牛皮廠到打住家工，由朝做到晚，做到1997年才退休(82歲)，當年只賺得3000蚊！點夠養老呀？退休後病足一年，三萬幾蚊長期服務金全部無晒至攞綜援。政府將綜援金由\$2550蚊，一減就減咗300蚊，舊年時她「生蛇」，西醫醫唔到，全港各公立中醫門診平均免費籌只有10個，唔駛分都知道唔夠啦！此外，公立中醫要用\$120只有兩劑中藥，搵鬼睇，窮人邊有咁多錢睇咁貴嘅中醫呢！馮容無辦法，唯有搵坊間註冊中醫師，食中藥，每次\$70，睇3個月至好番，為慳錢睇中醫，攞到食到無得食。

馮容話：「老人家年紀咁大，唔係個個都受得西醫，睇中醫又可以調理體質，既然註冊中醫已經可以簽醫生病假紙，老人家又點解唔可以睇中醫實報實銷呢？」事實上去年12月19日馮容曾坐出席這個會議，直接質詢署方官員，他們承諾會將這個問題深入研究，今日，會議主席及署方官員會否對此有一個交待呢？

〈個案二〉醫管局藥物自購 社署搵綜援長者笨

社署為乜向社會大眾講大話，卜就想是 72 歲嘅綜援老人，患有長期哮喘病，醫管局未實施「藥物自購」前，每月發 3 支氣管噴霧劑，但現在半年只有 8 支，變成每月只掏荷包\$100 買(2 支)。再加上卜生仍住在荃灣舊區板間房，因社署調低租金津貼，令至他再須自掏荷包\$100，故此他的醫藥和租金須從飯錢補貼咗，老人家的基本醫及食那有保障呢？！

「百萬退休老人，貢獻社會一生；臨老醫食有憂，捱足一世為乜？」「公僕長俸三千億、綜援金一減再減，邊緣老人唔夠食？」這是我們一群基層長者的不滿之聲。

老人權益中心強烈要求：

- 1) 盡快落實綜援長者睇全港坊間註冊中醫實報實銷的醫藥資助，
- 2) 盡快落實綜援長者睇公立中醫門診的醫藥豁免(長者半費、綜援長者豁免)；；
- 3) 盡快落實 65 歲長者在公立醫院診金藥費半費優惠；
- 4) 立刻停止急症室及藥物收費政策；就全面醫療政策改革方向，向全港市民作出諮詢；
- 5) 立刻籌備推行「全民退休保障計劃」，並在過渡期間為現時的長者提供「老年退休金」；
- 6) 在未有「全民退休保障計劃」之前，
 - i)立刻追補向綜援老人削減的基本金及津貼，並且回復到削減前的水平(\$2555 元)；
 - ii)立刻追加生果生至\$1000 元的水平；

我們期待曾特首及衛生福利及食物局局長能認真聆聽我們這群邊緣老人的意見，為我們做一點實事，令我們不至「晚境淒涼、醫食有憂」。

老人權益中心謹啓

二零零七年六月二十五日